

Na osnovu čl. 135. stav (3) i 137. st. (1), (2) i (10) Zakona o visokom obrazovanju ("Službene novine Kantona Sarajevo", broj: 33/17), čl. 104. stav (2), 107. stav (1), 110. i 111. st. (1), (2) i (3) Statuta Univerziteta u Sarajevu (broj: 01-1093-3-1/18 od 28.11.2018. godine) i Odluke Akademije scenskih umjetnosti Univerziteta u Sarajevu broj: 02-1/ 1110-VIII od 16.12.2019. godine, Vijeće Akademije scenskih umjetnosti Univerziteta u Sarajevu, objavljuje

JAVNI KONKURS

za izbor dekana (rukovodioca organizacione jedinice) Akademije scenskih umjetnosti Univerziteta u Sarajevu za mandatni period 2020 – 2024.

I

Za dekana (rukovodioca organizacione jedinice) Akademije scenskih umjetnosti Univerziteta u Sarajevu može biti izabran kandidat koji treba da ispunjava sljedeće uvjete:

1. da je u radnom odnosu sa punim radnim vremenom na Akademiji scenskih umjetnosti Univerziteta u Sarajevu
2. da je iz reda akademskog osoblja izabranog u nastavno zvanje redovni profesor, vanredni profesor ili docent;
3. da redovni profesor ispunjava obavezu utvrđenu u članu 94. stav (1) alineja g) Zakona o visokom obrazovanju;
4. da nije predsjednik ili član Upravnog odbora Univerziteta u Sarajevu;
5. da nije politički angažiran u stranačkom rukovodstvu, zakonodavnoj, izvršnoj ili sudskoj vlasti bilo kojeg nivoa;
6. da nije osuđivan za krivično djelo ili da se protiv istog ne vodi krivični postupak.

Dekan (rukovodilac organizacione jedinice) se bira na mandatni period od četiri godine, sa mogućnošću još jednog uzastopnog izbora.

II

Uz prijavu na javni konkurs zainteresirani kandidati dužni su priložiti:

1. Biografiju (CV);
2. Opis umjetničkog/naučnog i stručnog rada;
3. Program rada za mandatni period (štampana i elektronska forma);
4. Odluku o izboru u nastavno zvanje redovnog profesora, vanrednog profesora ili docenta (posljednji izbor u nastavno zvanje) na Akademiji scenskih umjetnosti
5. Potvrdu da je u radnom odnosu s punim radnim vremenom na Akademiji scenskih umjetnosti
6. Potpisane i ovjerene izjave od strane nadležne općinske službe ili notara, kojima kandidat potvrđuje:
 - a) da nije politički angažiran u stranačkom rukovodstvu, zakonodavnoj, izvršnoj ili sudskoj vlasti bilo kojeg nivoa;
 - b) da nije predsjednik ili član Upravnog odbora Univerziteta u Sarajevu;

c) da uredno ispunjava obaveze utvrđene članom 94. stav (1) alineja g) Zakona o visokom obrazovanju (odnosi se samo za kandidate u nastavnom zvanju redovnog profesora)

Kandidati su obavezni potpisati prijavu na konkurs, biografiju i program rada za mandatni period.

Kandidati koji ispunjavaju uvjete za izbor dekana (rukovodioca organizacione jedinice), javno će prezentirati ponuđeni program rada na sjednici Vijeća Akademije scenskih umjetnosti Univerziteta u Sarajevu.

Kandidat koji bude izabran dužan je dostaviti:

1. Uvjerenje da nije osuđivan za krivično djelo i da se protiv istog ne vodi krivični postupak;
2. Ovjerenu Izjavu da se na istog ne odnosi član IX. stav (1) Ustava Bosne i Hercegovine.

III

Konkursna dokumentacija se dostavlja u originalu ili ovjerenoj fotokopiji. Prijave sa potrebnom dokumentacijom sa naznakom "**PRIJAVA NA JAVNI KONKURS ZA IZBOR DEKANA (RUKOVODIOCA ORGANIZACIONE JEDINICE) – ZA KOMISIJU, NE OTVARATI**", mogu se dostaviti lično (na protokol) Akademije ili preporučenom poštom, u zatvorenoj koverti na adresu: **UNIVERZITET U SARAJEVU, AKADEMIJA SCENSKIH UMJETNOSTI Obala Kulina bana 11, 71 000 Sarajevo.**

IV

Konkurs se objavljuje u dnevnom listu "Oslobođenje", na web stranici Univerziteta u Sarajevu www.unsa.ba i na web stranici Akademije scenskih umjetnosti www.asu.unsa.ba

Rok za prijavu je 15 dana od dana objavljivanja u dnevnom listu "Oslobođenje".

Nepotpune i neblagovremene prijave neće se uzimati u razmatranje.

Konkursna dokumentacija neće se vraćati.